

VIJEĆNIK DEMIR BULJUBAŠIĆ

Dana: 25.03.2025. godine

GRAD ZAVIDOVIĆI
GRADSKO VIJEĆE

Amira dr Hadžić, spec. radiolog, predsjedavajuća

PREPIS

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 05-06-2025			
Org. jed.	Kl. ozn.	Red. broj	Br. priloga
01	04	720	25

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići obraćamo Vam se inicijativom za zamjenu krova na zgradi organa uprave.

Obrazloženje vijećničke inicijative

Ovom inicijativom želimo ukazati na nužnost zamjene krova na zgradi organa uprave, s obzirom na činjenicu da je postojeći krov prekriven salonitnim pločama koje sadrže azbest, materijal poznat po svojim kancerogenim svojstvima. Azbestna vlakna, koja se vremenom oslobađaju u okolinu, predstavljaju ozbiljnu prijetnju zdravlju zaposlenika i građana koji svakodnevno borave u objektu. Dugotrajna izloženost azbestnim česticama može uzrokovati ozbiljna oboljenja respiratornog sistema, uključujući azbestozu i karcinom pluća, što dodatno opravdava potrebu za hitnom sanacijom krova.

Također, želimo naglasiti da je planirana energetska sanacija objekta, odnosno njegovo utopljavanje, čime bi se poboljšala energetska efikasnost i smanjili troškovi grijanja i hlađenja. S obzirom na to da su u planu infrastrukturni radovi na objektu, smatramo da je ovo idealna prilika da se izvrši kompletna sanacija zgrade, uključujući zamjenu postojećeg krova sigurnijim i dugotrajnijim rješenjem. Time bi se spriječilo kasnije naknadno izvođenje radova koji bi mogli povećati troškove i izazvati nove komplikacije u radu organa uprave.

Novi krov bi trebao biti izveden od savremenih, ekološki prihvatljivih i energetski efikasnih materijala, koji bi dodatno doprinijeli smanjenju troškova održavanja objekta. Također, predlažemo da se u sklopu ovih radova razmotri mogućnost ugradnje solarnih panela, što bi omogućilo dodatne uštede na potrošnji električne energije i povećalo samoodrživost objekta.

Ova inicijativa ima za cilj poboljšanje uslova rada zaposlenika, zaštitu zdravlja građana i unapređenje energetske efikasnosti zgrade. Stoga predlažemo da nadležni organi poduzmu sve potrebne korake kako bi se izradio projekt zamjene krova, osigurala finansijska sredstva i izvršili neophodni radovi u sklopu cjelokupne rekonstrukcije objekta. Unaprijed zahvaljujemo na razumijevanju i podršci ovoj inicijativi te se nadamo pozitivnom odgovoru i brzoj realizaciji projekta.“

PODNOŠILAC INICIJATIVE

Demir Buljubašić, prof. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-710/25-AP-19
Datum: 27.05.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Demira Buljubašića za
zamjenu krova na zgradi organa uprave, dostavlja se

U prilogu akta dostavljam vam stav po inicijativi vijećnika Demira Buljubašića
podnesenu za zamjenu krova na zgradi organa uprave.

Stav po podnesenoj inicijativi dostavljam u skladu sa članom 109. stav (5) Poslovnika o
radu Gradskog vijeća Zavidovići – novi prečišćeni tekst („Službeni glasnik Grada Zavidovići“,
broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila: F.M.
(Fatima Merdanović)

Akt pregledao: E. Č.
(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-710/25-AP-18
Datum: 27.05.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Demira Buljubašića za zamjenu krova na zgradi organa uprave dostavljam:

PREDMET: Stav po inicijativi vijećnika Demira Buljubašića za
zamjenu krova na zgradi organa uprave

Inicijativu vijećnika Demira Buljubašića za zamjenu krova na zgradi organa uprave treba prihvatiti.

U skladu s potrebom za unapređenjem infrastrukturnih uslova i poboljšanjem energetske efikasnosti objekta Gradske uprave Zavidovići, nadležna služba je već pokrenula realizaciju projekta sanacije krova na predmetnoj zgradi. Obezbijeđena su finansijska sredstva, a ujedno je izrađen i glavni projekat koji precizira sve tehničke aspekte izvođenja radova. U narednom periodu pokrenut će se procedura javne nabavke kako bi se odabrao izvođač radova, čime će započeti sa realizacijom ovog projekta.

Pored osnovnih sanacionih radova, značajan segment projekta odnosi se i na planiranu ugradnju solarnih panela. Ugradnja sistema za proizvodnju električne energije iz obnovljivih izvora predviđena je energetske auditom koji je prethodno izrađen za zgradu Gradske uprave. Ovim auditom jasno su definisani potencijali objekta za korištenje solarne energije, kao i procjene ušteda i pozitivnih efekata na okoliš i Budžet Grada.


Kako bi se osigurala potrebna sredstva za realizaciju ovog dijela projekta, Grad Zavidovići je već poduzeo konkretne korake u pravcu obezbjeđenja dodatnih izvora finansiranja. U tom kontekstu, Grad učestvuje u programu prekogranične saradnje, gdje je u toku priprema projektne aplikacije u okviru Interreg programa Evropske unije. Projekat se razvija u partnerstvu sa institucijama i organizacijama iz Bosne i Hercegovine, Hrvatske i Crne Gore, a fokusira se na rješavanje pitanja energetske efikasnosti i održivog grijanja u javnim ustanovama.


S poštovanjem

Dostavljeno:

1. Naslovu,
2. U spis.


Akt pripremio: 
(Almir Mustafić)

Akt pregledala: 
(Džeraldina Miličević)

Akt pregledao: 
(Nermin Čahtarević)



GRADONAČELNICA


mr. mr. Erna Merdić Smailhodžić